

جریدہ علیہ

مشيخت جليلہ اسلاميہ نك بصريہ ر سيمه پير

ذی الحجہ سنہ ۱۳۲۹

عدد ۶۸

شديدك آيدہ بر نشر اولور

آلنجي

اخلاق سنیه رسالتدن بر نبذه

سیر کتابلری صدق نبوت محمدیه نك شواهد باهره سندن اولان معجزات ايله مالیدره.
ارتاب اخلاص سیر شریفه مطالعه سسیله قدرت مطلقه الهیه نك آثار خرد سوزینی
کوروب قلبلری تنور، ایمان و اعتقادلری تقویه ایدرلر.

فقط شوراسی بیلنملی که: «آفتاب آمد دلیل آفتاب» «کر دلیت باید از وی رومتاب»
بیئتک مفادی وجهله نیر اعظم هدی علیه اکمل النجایا افدمن حضرتلرینک قرآن مینندن
صوکرالک بویوک معجزه سی «وانک لعلی خالق عظیم» آیت کریمه سسیله مبجل اولان
ذات اقدس رسالتپناهیلریدر. معجزات پیغمبرییه وقوف ايله عقیده لرینی احکام ایتک
ایسته یلر خوارق مرویه نك کافه سندن اولنجی اکرم افدمن حضرتلرینک احوال سنیه لرینی
تأمل ایتلیدر. چونکه اصل معجزه کبری وجود مسعود محمدینک کندیسیدر.

انصاف کوزیله باقیلسون نجی اکرم افدمن حضرتلری فصل یرقومک آراسنده ظهور
ایدیور؟ او یله بر قوم که طاشلری، آغاچلری معبود اتخاذا ایتش؛ کشف بر ظلمت ضلالت
استیلای قاهر یله قبلرلنده حق و حقیقی کوره چک، کوستره چک نوردن اثر قلامش؛ شرب
خمر، قمار، بغاء، زنا کی فواحش آرازلنده مباحات صیره سنه کچمش؛ ضلالت افراطی
سلامت فطریه لرینی تغیر ایتدیکندن کندیلرلنده مزیات انسانیه شویله دورسون خصائص
حیوانیه دن بیلر اثر قلامش؛ زیرا هر حیوان یا وروسی یتشیدیرمک ایچون سوق طبعیه بر
چوق مزاحمی اقتحام ایلدیکی، یا وروسنه قارشو وقوع بولان تجاوازا قی بعض کره حیاتی بهاسنه
دفعه چالیشدی قی حالده بو قومک بعض افرادی تأسس ایتش اولان بر عادت شینه یه اتباعاً
بر طاقم اعذار واهیه سرد ایدرلر اولادینی دیری دیری هزاره کومور. بو جنایتدن دولایی
وجداننده ذره قدر بر عذاب، بر مؤاخذه حس ایتمور. کذا هر حیوان دیشیسنی قیصقان دینی
دیشیسنه توجیه ایدیلن انظار اشتہایی اندن متصرف قیلمق عزیمتله غیرت و وصولتی منتهاسنه
وارد یردینی حالده بو قوم اشرافدن برینک دولینی آلن ایچون زوجه سنی انک فراش تصرفنه
یا تبروب بو فوضیحه یی نفسی ایچون بر شرف، بر موفقیت عد ایدیور. «نکاح الاستبضاع»

وسيله مباحاتی اولان حماسیاتی میاننده جنت آلود بر غیظك آثار وحشی کوریلور. مثلا بردیشی دهوه بر قوریه کیروب بر قوش یومورطه سنک ضیاعنه سبب اولور. اوراده بولانی بری ده دهه یی مهنیدن اوروب اولدیریور. بر قوش یومورطه سنی دولدورمیان بوحاده ایکی قیلله آراسنده تمام قرق سنه سورن مدهش بر قتالی انتاج ایدیور. (حرب بسوس).

ایشته نی اکرم افندمن حضرتلرینک زمان ظهوری شو سوبله دیکمز فصایح و اباطیلک دها بر جوق امثاله مصدر اولان بویه بردوره ضلال و طغیان مصادف ایدی. بشریتک ایجابات مبرمه سنی منصفانه تأمل ایدنلرک معلومی اولدینی وجهله برانسان دوغدینی، بویودیکی یرک محمولی، اوراده حکمفرما اولان عادات و عنعناتک محکومی اولدیفندن نه قدر عاقل، نه قدر جسور اولورسه اولسون بوعادات و عنعناتک حتی اک اهمیتسزلرندن بری استحقاقه نیت ایلدیکی زمان یراز دکل، کرکی کی دوشونور، تصویرینک حیز فعله ایصالی امرنده مطلوب اولان جسارت و متانتی ده یا کوستره بیلر، یا خود کوستره من. دنیا به کله دن پدرینی، الی یاشنده والده سنی، سکنز یاشنده بویوک باباسنی غائب ایدوب همهجه سنک آغوش رافتنده بویومش، هیچ کیمسه دن برشی تعلم ایتمش، بولوندینی نملک عادات و عنعناتی دها سربست بر نظرله تدقیق ایده بیله جک قدر وطنندن تبعاده ایلهمش اولان بر ذاتک مهالک ملحوظه و مشکلات نمکنه یی اصلا نظر اعتباره المقسزین، دکل حکمفرما اولان اباطیلک اک اهمیتسزلرندن بری، بلکه جمله سنی برضربه قاهره ایلله دفعه زیروبر ایتمک قیام ایلشی قدرت الهیه نک بشرده ظهور ایدن بر شکل اعجازی دکل ده نه در؟

کلیت جامعه سنی اعتبارله اعجازک اک عالی برصورتی اولان وجود مسعود محمدی هر بری بر خارقه اخلاقیه قوتی حائر بولنان مفردات افعال پیغمبرینک ده منشأ محمودی اولمق طبیعی دکلیدر؟ رسول اکرم افندمن حضرتلرینک قوم صهرب اراسنده متعمم سیتانک کافه سندن بری الساحه اولملری، بعثت سنیه لرندن اول بین الناس «امین» لقب فاخریله اشتهار بویورملری کندیلرندن صادر اولان اخلاقی معجزه لرک برنجیسیندر.

شون کونیه نک کافه سنی کی فردی و اجتماعی اخلاقک ده قانون تکامله تابع اولدینی

لظريه سنی بین الحکما هنوز موقع رواجده ایکن فیخر عالم افندمن حضرتلرنده دفعه تجلی
ایدن بوکال مؤیدی لسان انصاف اعجازدن باشقه نه ایله توصیف ایده بیلیر ؟ خلق عظیمی
قرآن کریمدن عبارت اولان بی اکرم افندمن اخلاق فاضله اعتباریله برمعجزه کبرای الهیه
اولدقلرندن برحدیث شریفلرنده ذات سعادتلرینک انجق مکارم اخلاقی آتام ایچون بعث
بویورولدقلری بیان ، مشرکک مألوفات سینه سنی اونلرک خاطرندن کچمیدن اخلاقی
خارقه لرله اصلاح بویوریولرانشاالله تعالی اخلاق سنیه پیغمبریدن بعضیلری مقالات متوالیده
مناقب مستقله صورتنده نقل ایدیله جکدر .

دارالحکمة الاسلامیه اعضاسندن

فرید

